


عيد الرحمن الانبنودي



عَبِدَالِحِنِالاِبْوَدِيُ



الموذعلى الأسفاذ



عبد الرحمن الأبنودي



مهرجان الفراعة للجميع ٩٨ مكتبة الأسرة برعاية السيدة سوزاق مبارك

(الأعمال الإبداعية)

الموت على الاسفلت عبد الرحمن الأبنودى

الجهات الشاركة: الغلاف الفتان : جمعية الرعاية المتكاملة المركزية

جمال قطب وزارة الثقافة

الإشراف الفني: للفنان محمود الهندى

وزارة التنمية الريفية المشرف العام

المجلس الأعلى للشبياب والرياضة د. سمير سرحان | التنفيذ الهيئة المدية العامة الكتاب

وزارة الإعلام

وزارة التعليم

= المؤلف

- عبد الرحمن الأبنودي
- من أشهر شعراء العامية في العالم العربي.
- حاصل على ليسانس الآداب قسم اللغة العربية/ جامعة القاهرة.
- صدر له خمسة عشر ديواناً شعرياً وخمسة كتب عن الملحمة العربية دسيرة بنى هلال، عن دار أخبار اليوم.
- له دراسة عن سيرة بنى هلال ترجمها المفكر التونسى
 دالطاهر قيقة، للفرنسية وصدرت عن الهيئة العامة للكتاب.
- أقام أمسيات شعرية بمعظم أتحاء العالم العربي وفي كل
 مكان بمصر.
 - عضو في لجنة الشعر بالجلس الأعلى للثقافة والفنون.
 - تغنى بأشعاره أشهر المطريين المصريين والعرب.
 - من مواليد قرية أبنود محافظة قنا صعيد مصر.

على سبيل التقديم

تواصل مكتبة الأسرة ٩٨ رسالتها التنويرية وأهدافها النبيلة بربط الأجيال بتراثها الصضارى المتميز منذ فجر التاريخ وإتاحة الفرصة أمام القارئ للتواصل مع الثقافات الأخرى، لأن الكتاب مصدر الثقافة الخالد هو قلعتنا الحصينة وسلاحنا الماضى في مواكبة عصر المعلومات والمعرفة.

د . سمير سرحان

الإهسداء ..

انتهيت من كتابتها فى نفس اللحظة التى ولدت فيسها ابنتسى «آيسة» في ١٩٨٨/٨/٢١. فإليها وإلي من تحملت قسوة ميلادها .. «نهال كمسال» زوجتي وإلى «ناجى العلى» الذي ألهمنى استشهاده حزن القصيدة وأفراحها

لمدلوط ليؤينوري









(۱۲)

أمَّايه .. وانتى بترحِي بالرَّحى ..

على مَفَارِقْ ضُحى ..

عبى معارِن عصلى .. ـ وحدك ـ و بتعدّدي

على كل حاجه حلوه مفقوده

ماتنسينيش يا امَّه في عَدُّودَه عَدّوده من أقدم خيوط سودا في توب الحزن

لاتولُولى فيها ولاتهللًى ..

وحُطِّى فيها اسم واحد مات

كان صاحبي يا امَّه ..

واسمُه

ناجى العَلِي

(17)

ياقبر ناجى العلى .. وينك ياقبر ياقبر معجون بشوك مطلى بصبر الموت يقرب عليك .. يرتد خوف واذا ماخافش الموت .. يرتد جبر

ياقبر ناجى العلى .. يادى الضُريح كان مَيْتَكُ كان مَيْتَكُ للسَّف وطنى صريح تحتَّك فتى نكاض القلب .. غَضَ كان قلبُ ه .. أرض مخيات الصفيح .

الأرض متغرَّب ... والحلم مِلْ ... لك خريطه شِبْه الوطن محاصرها سلك واقف وراها شريد عاقد إيديه حَن الوطن ذلك .. لللأرض .. تلْك

غشيم فى حب الـوطن .. طبعـــا غشيم يـــــاللى تحب الـــوطن .. من الصميم على طريقـــة العرب فى الحب .. عيش ولى .. نقى .. متّقى .. لكن لئيم .

(18) -----

ماسك رسمه ماسك رسمه	ناجى العلى فى الأغنيَّة هلَ عليّه زى الغزالة البريّه
شوف الرَّمْمه	كام قلت له : قولها خفايف نُصَّ شفايف قاللي : ياشاعر لوخايفُ
قُصاد رسْمَه	والرَّمْمه فيها دمع وضحك وأرضٍ مِلْك وإبن واقف خلف السلك
جُوَّه الرسمَه	والرَّسْمه فيها يهود بحاخام والأُنكل سام وعَرَب لطاف عايشين في سلام

(10)

قُدّام رسمُه	رمم الكفوف زئّ الصبّار « حنظل » بمرار صبى قصير واقف محتار
عاش للرسمَه	رممه لاتعرف تتحادق ولا بتنافق عيب ناجي إنَّه عاش صادق
شايل رسمه	كان زينى يائِس يأس مُميت لكن عفريت دخل لأعداؤه فى البيت
برَّه الرسمَه	والرئمة مافيهاش مما وبيوت لكن لها صوت ياناجى كان لابد تموت

لو كل إنسان جزاتًه في الحياه .. علَه أنسا اللي سيافر بيلاد الإنجليز .. قتليه

قتلت نـــاجی العلی لمــا رسم صــوره يواجــه مكــوره يواجــه الحـزن فيهـا برايــه مكــوره لمـا فضحنی ورسمنی صـوره طبــق الأصـل مـاغرفشی يكــذب ولا يطلع قليـل الأصـل النـاس بترسم بريشــه وهـوًه ريشتــه نصل فصـح رمــوز الروايــه وهـوً مين في آخر الفصـل قتلتــه بـايــدی وايــد غيری في آخر الفصـل ويابلادی .. ماتزعجيش نفسـك عشـان صورَه .

أهل لا أهلك .. ولاأهلك ساعات أهلك ماتحكيليش ع اللِّي قتلك من حاخد لك تار . ماملكش غير أحسدك خالص على قتلك قتيل في غربه .. بيفرق عن قتيل السدار . يسامساشي للنور .. ومش مساشي على مَهلك واحنا خطاوينا يَمّ الموت .. تجيب العار . أنا الموساد .. والفساد .. قساتسل كتير قبلك « كال » .. و « غسّان » .. وإسأل « ماحد ابو شرار » وحاموت .. لاشفتك .. ولاحاعرف في يوم قبرك لاحاحُط زهره عليه .. ولاحاغرس الصار . حساولت قتل الجهل طلع الجهل متعلم واهمه قتلك وحسوًّا للسبك وانت واضميح .. سرّ م الأسرار . 00

أمّايه ..

وانتی بترحی بالرحی علی مَفَارق ضُحی

وحدك .. وبتعددي

على كل حاجه حلوه مفقوده ماتنسينيش يا امّه في عدُّوده

عدُّوده

مِن أقدم خيوط سودا في توب الحزن لاتهللَي فيها ولاتولولي

وحطًى فيها إسم واحد .. مات

كان صاحبي ياامّه ..

واممه .. ناجۍ العلی .



أطف الله البؤسا .. قاموا هناك ورا الأسلاك بيفتحوا بسالضوافر فكرة الشَّبَاك مين أول اللَّي رسمهم في الصحف إلاَّك ؟ قلموا الهدوم القُدام .. وطلعوا بهدومك إصحى ياناجي العلى .. قامت القيامه هناك .

قامت قيامة تمانيه واربعين .. غمارفه في طريقها ذُلُ السنين العاقر النماشفه وصحى يساناجى العلى .. أهى صحيت الضفه يقشعروا الأرض .. إصحى جمساوب الهسرة سن القلم من جمسايت غَرَه عنده اللى حضيت سلموكها وعشقت الحرة ماماتيشي .. طب ماائت مُت .. عرفت تتوفّى ؟

ومن الزوايا والأركان خرج الطوفان : ألوفات شُبّان . إصعد يادّخان إبعد ياشيطان إجبن ياجبان رجع الاسم ورجع العنوان . يغلي البركان ويدور ويدور إبية السور .. طلع الإنسان . الصدر العارى عليه الوشم :

« خريطة الدم .. فلسطين

يا أحلا الأوطان » .

مين قال بِعنا .؟

مين قال ضَعنا ؟

ياتمانيه واربعين كدابه وكدابه ياسبعه وستين

التار له نار طَيِّ الكثيان

واليوم ياخليل

. ياجليل

يابيت لحم .. الإعلان .

يا .. صوت الطفل اللي بيحررُني ف بلدي

بارَك ربي فيك ياولدي

بازت ربی فیت یاوندی

يا .. نهر النار الفايره اوعى تبطل جَرَيان دراعات الوحش الغاضب .. أصوات الكروان

راجح

فالح

مازن

مارن مروان

وأخدنا بتارك ياغسان

« یاکمال ناصر » دمًك حاصر

أعداءك .. مش بس في لبنان .

با ... « ماجد يابو شرار » جينا

دمًك فينا

لسة سامعينك تنادينا . ماعادتش الدمعه مكتومه

صبحِت صرخه .

صبحت صرخة روح محومه

تصفع « روما » .

ع الكتف نشيلوا سرير الفندق ونشيلك

مواويل الثوره مواويلك تحت قيصك غنوة شهدا

حت مميضت عم من كلّ مخيّم ..

من فل عميم .. زاحفه ياماجد تحت الثورة تغنيّ لك .

و لما يات بد عند معورة على الماء عطر الأنبيًا ف مناديلك.

. أولادك يابو شرار بالطوب

اوددت يابو سرار بالطوب عدلوا المقلوب.

شطبوا كل القدر المكتوب .

```
فتحوا بوابة الفجر
                            وواحيوا الغدر
            وصاحوا: يافلسطين
       ( يسقيط كل الكيث العربي )
       ( يسقسط كلّ الاخوه الخساينين )
                 نرسم بالدم خريطه للأوطان
                              إتفلت الجان
                  والمسجون قام ياكل السجان
                             دارت دارت
                     العجله والدنيا احتارت
                             دارت دارت
                           لعبتهم بارت ..
                     قوتهم خارت .. وانهارت
                   والدايره على الباغي دارت
يادنان الكبت .. الظلم .. القهر .. على الطرقات .
       وخيم بــات .. وصبـح ميــدان
     السدنيسا اتحطت واتشالت
```

دارت ., دارت

فسارت .

أطفيال الأرض المحتلب أطفيال البدنسا الختلب أطفيال السنوات السووا رفضوا الذُّكُّ . ـــاكُــلّ العرب المعروبــــه يماراس العرب المقلموب يــاجيـوش النصر المغلـوبـــه رحُعت أرواحيا .. المنهوبيه. رجعت إرادتنيا الملوبي بتحسارب بسالصوت والطويسه أمحاب الأرض الأصلين أصحياب النسور والليسل والطين نبت فلسطين ال أصل فلسطين روح الأمنه ..

ازاى لاحئين . ؟

_____ (Ÿò) _____

على أسفلت الشــــارع شهــــا على أسفلت الـزنــازين مســاجين يـــافجر ارضــع من دم الطفـــل يــاسجن اوسـع كترنــا القفــل بيأت حكايتنا ومش راجعين .. مش راجعين مش راجعين





- (YY) ------

على قد قَرَحى الشديد .. على قد خوفى الشديد أحمل إيسانى الأكيد .. يحملنى شكّى الأكيد وقد مسانت بعيد أنا السيّس .. خفيف الظهل .. انا الصامت راقص فى قلب العَرْا ...باكى فى صبح العيد .

من كتر مساشفت ... مسابسا صستقش إيسانى أنسا شساعر الشمس ... وادى الشمس تساكرانى تسسانى فى فرحهسا ، فى الحسزن فساكرانى وأبنى طبوبسه .. فى قلبى تهسد ميت طبوبسه منين تيجى التبويه عن همسك يشا أوطسانى .؟!

وياموت يامدفوع في شُرياني بريح سودا الهمّ .. دايسا بيرحسل .. بس ليسه عوده مساتِت جنساحاتي لكن لسّسه مَفْروده وياقلب .. ياكلب من تنسك صاحى وبتنبح بطّل تعسدت .. فلسطين لسّسه موجوده .

يـــاوطنى .. أفضنى .. ولا رُدّ فيــا الفَصْ خلّينى واحــد .. ولـو .. لطختنى .. بـالـوصْ لـو الخرايـط .. بتُصُـدُق كنت اعيشهـا .. رس وانقُش خريطتى .. عبيطتى .. فــوق جــدار قلبى سلـك الخـيم إبـر يـاقـدس .. وانـتى الـوشم .

منين أجيب ناس لمناة الكلام يتلود اذا كنت باجي أقول ه نصّ عقلي يتمه

لأ .. نحاول

الكلام مش مُستجيب .. والصت عار والسافه بعيده بين الفعل والقول البليد

لكن نحاول .

لا القصيدة حتجرى ع الأسفلت

ولاترمي حجر .

ولافوق أكتافها راح تحمل شهيد ولا حتبقد خطر

ولا حاتقرب بعيد .

الكلام _ آخر المطاف _ هوه الكلام

والدم دم .

القصيده توصف الدم الذكي ماتشياش نقطه .

(٢.)

توْصِف الأم اللّ ماتت بنتها قدام عينيها بس وصف

وصف جيّد .. وصف خايب وصف كاذب

فى النهايه .. كلُّه وصف .

- - كل شعر الوصف ..

مايساويش في سوق الحق صرْخَه . الكلام عن كل ده

شيء م التطاول ..

إنمًا .. لازم نحاول . .

الحجارة اللّي ف رفح وف غزّه وف بيت لحم وف بير زيت ويافيا

والخليل

والمدن كلِّتها مش هيّه الحجاره .

الحجاره اللي ف إيدين ثوار فلسطين الصغار

ماهيش حجاره .

أنا باعرف الحجاره ياما طوّحنا حجاره

حجارتكم .. مش حجاره .

ع الأقلّ ..

بتختلف عن الحجاره اللي ف شارعنا.

زى ماشارعكم ييفرق عن شارعنا .

الحجاره اللي ف شارعْكُم ...

كائِنات نابْضَة وحيَّه

كَائِنَات مش جَامِدَه ولاثابِتَه .

والحجاره اللي ف شارعنا ..

مئته

لا .. تأنَّ الصيف من لسَّع الحرارة

ولايرعش جلدها مرور الشتا .

عمرها ماتغنى غنوه 🕟

ولا بتردّد هُتاف

لونشيِّعها .. تخاف . 🤍

عرها ماتئن ولاتحتج من ضرب المعاوِل .

الحجاره الميته الباهنه الكسيحه

الحجاره إللِّي ألأم م المقاول .٠٠٠

والحجاره اللى ف شارعكو فلسطينية زى ما انتو فلسطينية فى قلبها نبض القضيّه مشاعرها .. إنسانيّه

عارفه أصحابها وأعداءها وذكيه عن القنابل . والقصيده ..

مشكلتها في التناؤل .

مشكلتها في البداية والنهاية

مضامينها وشكلها

وعديد من المسائل . القصيده قصيده

بس الفعل فعل .

بس العمل عمل . هل نكف عن الحاوله .؟

هن بعث عن الحاولة .. أو نحاول ..؟

لو سكتُنا .. يقولوا : ضاعوا

لو وقفنا .. يقولوا : باعوا واذا قلنا

يقولوا فين الكلمه من رَمْيةُ حجر ؟

صرخة قتيل ؟

ثورة الأطفال

تخلَّى الشَّعر لوكان عبقرى ..

وزنه قِليل .

يارفاقه .. شعرنا ماهوش بخيل .

أعذروا الشعرا إذا خرسوا النهارده واعذروا الكلمه إذا احتارت ودارت

وعدرو ... الفنوه للأفعال.

واعذروا العواجيز إذا صمتوا النهارده واستكانوا للرقاد في الصت مُدَّه

النهارده .. الصرخه للأطفال .

الكلام مايشيلش جُتّه.

الكلام .. مافيهش دم .

الكلام مافيهوش هجوم ولاتراجُع .

الكلام .. مالوش لجانيُّ .

الادام المام المام

الكلام .. ماهوش مخاصَّر بالمدافع .

لادكاكينه بتقفل

ولاتِتُسمَّم غيطانُه

ولاقاطمين عنه نورُه أو مياهه ولاعنوع م العمل .

ود سوع م العمل . ولامشلول بالحصار الاقتصادى . ولا بالفاز المسيّل للدموع . ولا بيعانى عطش ويعانى جوع زى أصغر طفل فى الوطن المقاتل .. نسكتوا .؟ ولاّ نحاول ؟ لا نحاول لأ .. نحاول لأ .. نحاول .



القدس قُدسي .. يمامة صيف .. في غيتُها تطير .. تجيني .. بأشواقها وغيتها فاكراني .. من يد صيادها .. أنا ... اغيتها فـــاكراني صـوت الآدان الحيّ في « حطين » وخبِّي في ضلوعي قلبك يا « صلاح الدين » شايل صُراخ اليتامي ولوعة الساكين. تجيني .. وتبوسني .. وتملُّس على خـــدودي هاربه مجدودها القُدام .. تتحامَى في حدودي تبكى على صدرى دَبْكـة حـزن على عـودى تبكى وفساكره حساهدهدهما واسكتهما أنا ياللي من موت شراييني اتنسَجُ موتها وصوتى يسوم الغنا الباطسل بلم صوتها مسافيش في قلى .. ولا آهـــه .. أمـوّتهـــا كل الآهات ميّنه .. أنا حبيس همس . . نَـزَعْت صـورتهـا من يُكرايــا .. من أمسى . حطين .. لاحطيني .. ولاقًدس المموم قدسي . ولاعارف تنساني زي ماتُهت ونسيتُها . القدس تيجي عسامسة نور مطفيسه طالعه لي م البرد .. للصيف الجديد تسعى . فاكره في كفي طعام وف قلى أخويسه هيّه اللي مش واعيه وإلاّ أنا اللي مش باؤعي ؟ لادمُ على عطش عيني ولامَيّ ياخُـزن لاتترجمُـه آهـه .. ولادمعـه . ماكنا فاكريننًا أطفالك ياست الكُلَّ الكيث مايجيش هَمُّه إحنا من أطفال وكنا فاكريننا أبطالك .. أيادي السيف سيوفنا من قش ودى ماهيش إيدين أبطال ضيّعنـــا ع القهــوه نصّ العُمر تتّـــاوب ننتظروا من ربنيا تتحسن الأحسوال. ياقدس لمي جناحك وارجعي تاني لاتصدق قسولي ولاتئتني أحضاني نامي في حضن العدو .. هُوَ العدو الأوّل ياقسس خافي قوي من العدو التاني الحنجر الختفي وإنتي في السوت في أسناني الأفعى ورا ضحكتي والمسوت في أسناني وصفحتي في النضيال

بيضا بياض التلج لميّ الجناح .. البَنَاني ف قلى مسكونه

لى الجناح .. البنائ ف قلبي مسعوله بِيَام غريب الوطن حبّيته .. يوم مارطَن يوم ماالتهم خضرتكِ

فدان ورا فدان . يوم ماطرد أسرتكِ إنسان ورا إنسان .

يوم ماهدم ماديتيك وكسّر الصّليان .

يوم مازحف أفعى وبتحاصِر دَبَح الفلسطيني وقتل جمال عبد الناصر .

ياقدس قولى لحيطانك إثْبتى بقوّه حيخلصك إبنك اللى أنا مانيش هوّه لاتبحثى عن حلول ..

> الحل من جوّه الحل من جوّه الحل من جوّه .



الفجر صَعْب المرَاسُ يـــاقبُضــة الخَيّــال ساثورة لا لمهاعم .. ولا أخبو .. ولاخسال قدرك وطن يشترى الوطنيسة بسالأموال وانسا قسدرى أحلم بصوتسك .. وبسدوام دمسك وبيوم يملُّوا الكبار الفُرجه ع الأطفال أنا حلو في الشاشه في الجورنان لكن ظلِّه، تقيل .. يـا أمـه بمـأسـاتي .. بتتسلّم، للساده شای ساده وانا دمّی اللی بیحلّی وكل يسيوم قطره قطره السيسدم بيسرسب مستنى إيــــه يــــاوطن ؟ لمــــا أغيب كُلمٍّ ؟ بتدفعوا المال خلاص ذمَّسه ده والأذكاه ؟ معــاكـو أمـوال تنسِّي البــاكي طعم بُكاه وتقتلــــوا في ضمر الفحر أي حــــاه أبرد من التسلاحيسات يسسادمنسسا العربي ماساتي مش من عدوي .. أنتمُ الماساه لكن فلسطين أهيه في القلب والقبضه لكن فلسطين أهيه جوّه العروق نسابضه عارفه القديم والجديد . قاريه قوى وحافضه طاهره في ساعة الأدان .. وتصلى في الشارع يساوطنى آدى السدّما .. لوغزت تتوضى ياقدس يام الشهيد في العته عانقيني أنسا متّصال بيكي من وطنى ومن ديني أسجدى الأقصى أقصى ما في السدموع عيني وأقصى مسافى وريسدى السدم بعسد الهم واخوق مش هنا .. يساقدس ساعيني



حبیبتی .. کل مابانسی تفکّرنی الحاجات بیکی اُبنّگ .. تدمیک عینی کأنّی مش حاغنیکی . دمایا .. ماتستاهلش تکون کخلة لیله لعینیکی.

وانا الدرويش

أنا السابح بمسحق .. ومَبخُرق وتوب الخيش

أغنّى لكُ

وأموّل لِك مواويلك

ماتسمعينيش

ولاتشوفينيش

ومش لازم .. مادام عايشه

مادُمت باعيش .

وياما بيكي عقلي اتجن

وانتى الأن

إنتى الظنّ وانتى قلمى لحظة فنّ .

(£Y) ----

یاغنّیوتی أنا أحزن أغانیکی . وإنتی الحلم .. آه من حلم لا نُسینی ولانسیکی .

يبيعوا اللون
يغشوا الدم
يهذوا الكون
يشيلوا الكيف في عب الكم .
أنا أنفاسك الحضرا
وانا الجرح اللى في جبينك
أنا الحنجر في شريانك
وانا اللقمه في إيد طفيك
أنا قبرك وأكفانك
وانا الشمعاية في حفيلك
أنا الجاهل لكن باقرا
وبافهم غاية النظره .

وانا وردك وانا نسلك

```
أنا رغيفك وفرّانه
       وحطب النار ..
      وزيتونك وزتّانهُ
أنا القاطف وانا العصَّار .
```

وإسلامك وقرآنة

وقلى مُنشد الأذَّكار .

أنا العابد أنا الزاهد

أنا اللي يحب .. مايلومنيش

أنا العاشق .. أنا الدرويش .

« صلاة الثورة ماتفوتنيش

ودم شهیدی وضَّانی.. عاء تاني

باء من نبع نؤراني . »

في قلى مافيش

ـ في أسراري ولاحكايتي ـ إلا انتي . ياخيط النور

ياكوّه في سور

يانور منظور

ياخير محظور

(22)

```
أنا الإيد اللي مانعاني
                  أنا الآسر .. وانا المأسور .
                              أنا الغايب
                              أنا الدايب
   _ صاتة _ والجناح مكسور .
                           وانا التايب ..
      عن إلماء الحرام والعيش.
                           أنا الدرويش
                           أبو الدراويش
            جناحات قلبي من غير ريش ·
                            وحاؤريني
              صعيدى .. بسّ قُولى إيه ؟
              فلسطيني .
              ومصري .. بس قلي إيه ؟
             فلسطيني .
وعربي .. بس أصلى إيه ؟
             فلسطيني .
             فلسطيني .
             فلسطيني .
               (٤٥)
```

```
وانا الدرويش
         أنا الماشي وإنتي الفكر
     أنا المجنون في قلب الذِّكر
        ومختكر الحيّه البكر.
         سكنق ازاى كده في عيشي ؟
             ونخشَشْق في نخاشيشي ؟
كأنك فيًا مولوده .. وموجودة .
       ومفقود حَبّ مفقوده .
                   وأغانيكي أنا هيه .
على صدرى غيطان زعتر « وميراميُّه » .
                  میرامیّه علی صدری
                     و يوم ما أموت
        تحشّبها .. وترميها على قبرى .
              أنا المنقوش في كفيّنك
      ياموشومه على صدرى .
                ياكبشة عطر ريحاني
    ياصوت دمّى اذا يشرى .
               ولا يفصلنا يوم فاصل
      وده الحاصيل
     فاتلومينيش ،
   ده انا الدرويش .
              (13)
```

```
أنا المقتول
                           أنا المحول
        أنا اللي با ادروش الدراويش .
             بافرق جرحى ع الثوار
                واكفّن مَيِّتي .. بنوّار
                وفي صفوفك تلاقيني
       أفرق عيش .
              ماتحرقشي عبايتي النار
        ولا اللّحيه .
               ومن حاره إلى حاره
               ومن شارع إلى شارع
             ومن ناحيه إلى ناحيه .
             يقابلني العدو برصاص
أقوم نافضُه من الجبُّه الرصاص وارميه
        كَأَنَّه قش.
                     قلوب الأوليا
    نيِّتها لاتتفش .
                     أنا الدرويش
         ماينقصنيش فدا واخلاص
          والرجعه .. ماتنفعنيش .
```

صورتها تطلّ م الطَّاقه عيونها السودا عشَّاقه ومشتاقه . وانا الدرويش بانزف دم وسّع لى الطريق ياعم وماشي بجرحى مش مُهتمّ ياعُرسي يا انْتَفَا مُوتى حبيبتي .. ساكنه في صوتي وماسك إيدها في السكه تسابق خطوتى ضحكه ولون الدم في صدري ماسكَّتنيش وخلاني أعيش وأعيش أعيش درويش يادرويشه يادرويشه واموت درويش أعيش درويش وامشى أدروش الدراويش واغنى أدروش الدراويش واموت بأدروش الدراويش حبيبتي تعيش حبيبتي تعيش حبيبتي تعيش .

(£A)

الصخر لو ينفجر .. النّبع إيسه ذنبَسه ؟ سباق في ساحَه مايين إنسان وبين قلبه مادام لِمُوت .. إحْمل السيف اللي بتحبّه وإذا اندفعت اندفع .. وإذا أنْ وقعت تِسدَ طول عُره وطنك يبحل تبتدى حربُه .

وجّى يابلد الحرايق واصرُخى .. بجنون وإحرقيها مُدن وكروم ونساس وسجون ملعون أبوها الحسامسة أمّ غصن زاتون معمولة لاجُل الضحايا يصدقوا الجلاد أجبّك العُمْر يافلسطين واموت مديون .

يا إيد يامتكتف ... ياضهر يامنجك ياطفل .. مين ورقك الإحتال والجلد ؟ ياطفل بهموم رجال .. يابنت قبل الولد يا أرض تطرح حصَى ياقلوب بتطرح عِند مين اللي قال الكلاب تسكن عَرين الأسد ؟ طلسع مش مهم السسلاح طلسع يغنى عَنسه الحجر .. طلع مش عَويص الكفساح مسادام فيسه إرادة وبشر . طلع مش بعيسد الصبساح ومستى .. خلف الشجر .

وياما حاولنا نكون لاكنسا ولايحسزندون خيرنا وضوح الميون وعكرنسا مغدو الشجدون ومساتت تسلال المزاتدون

عشان كنا برّه السوطن وأفضال فلسطينى فيناسا بلُفسة المناسافي رطن .

ولمسا ضيسا الفجر لاح نبران حمرا لــــون الجراح وساعة ماصاح اللي صاح وساعة ماشاء القدر طلعع مش مهم السلاح مادام فيسه أيسادى وحجر فِلسطين بجيش مش منظّم بتزحف صفـــوف م الخيم قصاص عُمْر والبادى أظلم وطفيل الحسواري انتشر وصيوت الحيواري انتصر وجيش العــــدة انكسر ساعسات نملوا وش الصباح ساعات ماتلاقيلناش أثر طلبع مش عبويس الكفيساح مسادام فيسمه إراده وبشر طلسم مش مهم السملاح طلسع يغني عنسسه الحجر .

—— (o1) ———

يابَنْت كلّ اللى يفرد للوطنُ شاشه وبوشَ واحد يقابله وينسى أوشاشه عاشوا اللى ماتوا .. ولاماتوا الآ من عاشوا يسانبُ ع أحمر بيزحف ع الشجر والتللّ .. حيّ الشباب الفلسطيني وقول : عاشوا

عاش اللى هَزَم العدو بتقدّمه العِلْمى الصدر كان مَحْمِى الصدر كان مَحْمِى عدو .. مايرمى الآأحلانا ساعة يرمِى يامِتِّجه للوطن .. إتبع خطاوى الدم أنا الشهيد اللى باعده حلّك السّلمي

تضرَب دراعسك رُصساصَه لاتحس الألم لك يد تسانيه قدوام تنقل إليها العلم يضربها برصاصة تانيه تنفجر بالندم ع اللي اتخلقت بإيدين .. وانت في حاجه ليد (تميش فلسطين) تقولها . تتكتب بالدم .



(07) ----

سنه کامله عبّت وانا مناحی اسم بسلادی هسوّه سسلاحی والثسورة بتسهر منبّسساحی

في الحسارة الفلسطينيسة

أف سلامه .. أف سلامه ياعَلَى الل ظلوك .. ياما حق الدُّنيا .. ليها قيامه

في الحسارة الفلسطينيسة

م الحساره الفلسطينيسة

يــاسلالم طــالعــه يــاڻــوآرهــا أجــــــادنــــا سِلِّم لقمَرْهــــا الأطفـــــال خَلَمِت أغارهـــــا

في الحسساره الفلسطينيسسة

ياأرض الرسالات باركينا بنوقى النسدر اللى علينسا باذين من موت واحد فينا

في الحساره الفلسطينيسة

الثوره ضدد الصهيدوني هيد عقلي وهيد جنوني واتقهقر لمسسسساً يردوني

للحاره الفلسطينيسة

الحساره الفلسطينيسة لسَّاها بتنجب أنبَّيا موجّة البحر الرايحه وجايـه

للحساره الفلسطينيسة

یاحجارتی .. لسلاح الواطی یاقنابل .. یارصاص مطّاطی أنا ماشی معدول وصراطی

الحـــاره الفلسطينيـــة

أنيا بيادي وف بيتي حجيارة وجُهنَّم .. أوَّله ... شرارة الوغى اللي كأنسبه بشساره م الحساره الفلسطينيسة أنا ثوره .. وسيبنالكوا الدؤله يتقوللي: لاقوه ولاحوله ؟ أهب لبنيا ثرف الحساؤلسه في الحساره الفلسطينيسة وبساواجسه كل مسابساتقستم المدولسه ام الجيش متنظَّم أمريكا .. هـزمهما الخير في الحساره الفلسطينيسة مسولسود معتسل ومتكتف ميوليود متنز متصنف أشنقني .. إعسسدم اتعسف الحسساره فلسطيني أنا أعلا ما ف صوتى .. سكوتى واحلا حياه باعشقها .. مُوتى أنبيا أرضى وجبوي وملكوتي الحباره الفلسطينيسسة (6)

دمعى نــزل ع الطُّلــل .. زى البلَــل والسِّيــل فتّت حيطـــاني وجرفني في مجـــاري الليـــل ظنيَّتني فارس .. أسد .. صنديد .. شديد الحيل يــوم اللقـــا .. اتقـــدمــوا الفرســـان لبحر المــوت انكرني صوتي القديم وانا مرمى تحت الخيل. الفجر عُمره مساقسال لليل : عن إذنك . يطلع .. يغمَّض عينيك .. يصرُخ يُصمّ اذنك . يهجم .. يعرِّيـــك .. يخليــــك تحترم وزنــــك أهو اندلع .. ليه مقابل فرحتُه بحرنك ؟ زى العـــدو إنت ـ صـــدَقْني ـ وكلّـــك زيف فضيت لفتل القصايد يوم مابعت السيف. وف ســـاعـــة الحسم ترهن ذمّتـــك برغيف. أما البوطن .. فاتركه لحراسة الأندال لغربتـــه في الشتـــا . وذلَّتــه في الصيف . فتَح الحجر جبهتي .. وأنسأ شمايل الرشماش ربطت جرحی ـ وانا باجری وراك ـ بالشاش أنا بالجرى عربي .. وانت بتجرى .. بالأش وقبل مسايبلعك تحت الخيم .. ليل حاهديك رصاصه .. حَجَر يدّك ما عنعهاش . صُهِــوني .. بـــازْحف وراك .. يسبقني ليـــك غضي وحساقتلسك : إحترام .. لـوضعنـــا الأدبي إرفع قنــاعي تــلاق وجهــك العربي وأهلَـــك الصـــامتين .. في صمتهم نــــايين خَــارِهُم اللي عشــانَــه .. حبُّـوا شُرُب الخر ولمسأ سكروا .. انتشى زيـــد من شتيــــة عمرو . لِقَيت خريطـــــــة وطنكم في العَرَا بترعش وغرشت اناع الخريطية بايندي .. شاهند قبر.

بازحف وراك فى الضلام .. والحاره مسدوده . خوفنى ليسه الحجر .. وانا ماشى بساروده ؟ يابو إيد طويله قوى .. بشرايين مشدوده ياخيال مقاته .. ياحارس غيطسك العربى ماشفتش الفيسط بتاكله منسك الدوده .. ؟ ياجر .. إهجم قوي على الشطوط .. وارتد . لا الريح مواتياك .. ولافيه بحر ساعده حد من حاره تحت الخيم .. جوة شارع سسد يابعدى عن إخوتى ... يابعد أوطان الصفيح اللي متاويسه الورد .



لسّه مساشيغيش طُوَافسه يساللى بتطسوف من سنين ؟ ياقر .. مولود في « يافا » ..

- واتقتل .. في « دير ياسين » ؟

لسّــه مــاڭرفت الليـــالى ؟ لسـة مـاشبفتش مشـاهــده ؟

ياقر .. خَالِك كَحَالَى ضيّعونا بالماهيده .

يساقر .. هَسدُّوا قبدورنسا واستباحوا اللي ف صدورنا

دمّروا قلبوبنسا ودورنسا . حقّنها .. أصبيح خرافسه وضفت يهابلسيدي الأمين .

وضعت یسابلسندی ادمین . یساقر .. تصعمد فی یسافسا تترمی فی دیر یسسساسن .

(1.)

ع النزاتون والبرتقانية الرمى ضياتك أميانية الرمى ضياتك أميانية إحنا يكرهنا اللي خاين واحنا تكرهنا الخيانية يساقر .. وغيوم بتحجب دمنيا .. لميا يمرسب دنييا .. تحترم اللي يغلب حتى ليو شيطان لهبن .

ياقر .. بقر في يافيا واتصلب في دير يساسين .

يــــاصبـــور .. الصبر واعر للـــدَمــاغ .. وللمشــاعر قلبى نـــدُل وحـزنـــه داعر لئتن، مــــاكنت شــــاعر

کنت أفِلتُ م الکین صرختی بتــــوت فی همِسی . لیتنی مـاغـادرت أمیی .

لینتنی مساغسادرت امیی .
لینتنی مسامساحبت نفسی .
لینتنی ضمیت خسسسوامسی

یسوم مسسا أقست الیین .

(11)

ياقر عباشني في يافسا واتقتلنسا ف دير يساسين . يساقر وانت المنسساره أنف وجسه لألف حساره إنت أطفسال الحجساره ياقر .. وانسا طفل مين .؟ قلبي م الفرحسه تساذي باحزن الأحزان بلسنه يساقر .. عبر بعسنره يساقر .. عبر بعسنره عن ميلاد النسور في غسزه وف رام اللسسه وف جنين .

یسساقر إغضب بحسسته انتفساضسه مسالهسا رِدَه زی مسافیسه یسافسا واحسده واحسده برضّسك دیر یساسین بساقر خَسدتشه لیسسافسا

خَــدُنی هـوّه لــدیر یـاسین



هــــنا أوان البراءة .. وانت يـــنابني جرىء وبتجرى ع الموت .. عشان لسّمه نضيف وبرىء ولَّـكُ أساتــنه بيحترف وا النضال ع الرَّيــق الكــــنايين .. الماسره .. اللي لهم قلبين واللي يخلُّـوا الفريــق في ســـاعـــه ألف فريــق .

ودمّكم حاقبضَه .. وحاحطَّه في جيبوبي ' وشمسكم مش حتشرق إلاَّ في غروبي السدم دمّى .. تمسام .. والتوب صحيح توبي لكن السسزمن أنضجَسسك إنْت .. وعرَّاني دمَّك ؟ تعسال بُص آخر الليسل في مشروبي . وتَصَوْل فلسطين ؟ فلسطين تبانى ؟ مين دَلَسك ؟ وانت اللي مولمود يساإني ف حِجْر مُحتلَسك ؟ عتلَسك اللي مواقب حتى لسون ضِلَسك ! شال إسهام الكتماب .. غير أسمامي القرى وكل شيء فيك وليك .. إيمه اللي فعاضل لملك ؟


لمن الأراض سَرَق أرضك .. وراح سارقك وكان خلاص اعتقد أنسة أعساد خلقك خق إخنا زيسة .. نسينا إن دى أرضك وفجاة ثنبت في قلب السكسة قسما المسلم فلسطيني .. غسارس سنسه في قلبك ؟

ده أعدد صداغتی أندا .. من غیر مدایحکُمْنی أعدد صداغتی بجورندان اللّی حداکُمْنی .. وبرادید .. ریخته و ولدو من بُعدد و ترکُنی بداعتی .. اشترانی .. قطم قلسمی .. کَسَر سیغی بدرن مدا اکلّم عددوی .. أو یکلّمنی .

قلى ممساك يسارفيقى .. إنّا .. عساجر من كام سنه بساعمل اللى مساعَرت ولاعساير وطن .. بيشرب دمسساه الحرّه فى قسرايسر كان لينسا وِجْهَسه بقى أنسا ستيت وجهسه وإشتروا عرنسسا بشانسسات وبرايسسز. جرحك سرى فى الثرى .. وانا جرحى مش مفتوح صدى الصديد فى الفؤاد .. نتن أنين الروح أنها منتظر يافتى موتك .. فارقنى وروح مانها حاقرا إسمك فى جورنهان بكره فى سريرى وربها .. تيجى صورتك ع التراب مطروح

 إخـوه صحيـح .. إغــا في المـؤتمر والصـوت لكن ساعن بقي .. أنسا مساليش في الموت حلوه حياتي كنده .. وانسا حياييها منوت . كفايه أكتب قصيدة شعر آخر الليل وأبتـــديـــا بفلسطين وانتهى ببيروت . يامُنتظرني .. الحقيقة أنا اللي منتظرُك . والا .. تعالى .. أبرر عُدرى مع عدرك . أنا ثورتي .. لفظ .. كلمه .. حلم .. لاهو فكرك الو كنت أقسدر أيسع عرى عشسان بكره كان ليسمه سكت انتظر لمسما تبيسم عرك ؟ ويائني صحَّيتنا ليه ؟ صـــتقنــا مـــانسينـــا صلقنا مراكبنا مسارسيت في مراسينسا ونسينــــا جرَّح الجــولان والـــــــــــــــــــ في سينــــــــــــــــــا جائ تبتدى القصه م الأول .. تقول : « اصحوا » وإنت مفروض تكون أوّل قتيل فينسا .. ؟

000



ينام العالم العربي
ليلاقي كرى مايينام
بعواجيزه مستيانه
باطفاله مستبانه
قرا الجورنان
وملا سيارته بالبنزين
وشاف النشره بعد الشهر
وقال في الإنتفاضه كلام
وحيًاها
وبعدين نام

نزل .. عمل « الشوبينيج " الصّبح وفات على شركة « الفيديو " وغيّر شنطة الأفلام لبس وقلع لبس وقلع وَلَيْف نفسُه في الحمام

وحَطَّ « الفومُ »

وقام للنوم ..

يكمل متجته أحلام

ونام العالم العربي

ليلاتي .. زي مايينام .

وطول الليل صحيتوا انتو

ولابِتُوا .. ولانِمُتوا . تلُّوا الجر من تحت التراب والتَّلْج

تَشُوا الجر .. وتحتُّوا .

بَدتُ بُجارِهِ ..

وانتهت الحجاره بنار .

بَدِتُ أفراد ..

بقى لها لجان : يمين .. ويسار .

بَدِتُ .. لكن أهى فلسطين

بحور الناس ..

طوفات طوفات. موجات موجات

بتزحف ع العدو بقوّه .

كانوا عشرات .

بقوا مِيات

بقوا ألوفات

هتاف واحد بدال هتافات

بدن واحذُ بدألُ بُدناتُ

عَلَمِ واحد .. عليَّه اشارات

علم مظلوم وجاله اليوم

يرفرف توبُه في الساوات .

وله ضحکات وله هَمُسات وله صیحات

بيتقدّم خُطَى الزاحُفين

وبینادی : أنا فلسطین

أنا فلسطين

أنا فلسطين

ظلمتوني وانا اديني .. النضال ديني

وصوتى مازال

ولونی مازال

ورقصي مازال

فلسطيق

مسيو

فلسطينى

فلسطينى

ميعادنا في التاريخ قُدَّام .

ونام العالم العربى

لیلاتی .. زی مایینام.

(YT)

ودى الليله ..

سهرنا نغنى بطولاتكم

ونشرب كاس فى صحتكم ..

وکاس ورا کاس

في صحة أحلا واجدع ناس.

قِزازه تودّی لقزازه .

وحيّينا البنات .. والصبر

وحيينا الشباب والقبر

فلسطين خضرا جؤه الخمر

أغروده

زَغر وده

وموجوده

وع الجرطه ماهيش سودا .

ماهيش محتله ولاحاجه .

بتتكلم فلسطيني .

ومافیهاش أی صهیونی .

فيسها انتسم بمبانيكم بأغانيكم .

باصرارکم وأفكاركم

وبكباركم وبصغاركم .

شربنا ف صحة الثورة

في صحة كل من بيجسّد الفكره .

وقننا نمنا ..

منتظرين نقوم بكره .

في دى الليله ..

أنا .. نايم ..

وصاحى عدوى يدفن في الشباب الحيّ

ببولدزرات .

وخيّات ليّه مرميّه من العالى

بطيارات .

نزل واحد على سريرى وانا نايم ..

```
جيت قايم ..
   وانا مفزوع .
               أحاول أبعد الجثّه .
             أشيل الدم م الفرشه .
    ألمّ دراع كان منزوع
            وناشف ..
  إنما .. مرفوع
            بيهتف لسة رغم الموت
          يصحّى القصه في سريري
             يشيل الحلم من راسي
لقيت الريق مش مبلوع
                 وماليش صوت .
          أو بانطق بصوت غیری .
                        وقمت ..
                جريت للشارع .
       رمیت نفسی فی وسط عباد
       وناقشنا حكاية دفنكم أحياء
           وقلنا : يسقط الأعداء .
```

وهددنا الصهاينه هناك

بميت قبُّضه في وش الجوّ .

وحييناك .. وهاجمنا غدَّو السُّو .

لكن لما شعرت بجوع

أنا .. حوّدت ع الحاتي .. طلبت كباب

معاه .. بيره .

أنا أصلى باحب اللحم .. والبيره .

لقيت قلب الطبق

مكتوب عليه (بيت لحم)

وع البيره

لقيت مكتوب (البيره) .

سکرت .. وطفت

بين الصُّحَيان والوهم .

لقيتني ف يافا .. وف حيفا

وفى نائلس .. وفى الناشره وفى الضفّه .. وفى عَزّه .

وی است. .. وی عرد . وقشعر جنبی ..

ـ ساعَّة الحزن ليه هزَّه ـ

خُفت .. وقت

هربت قوام

لقيت نفسي في قلب البيت لقيت الفرش من غير دّم ..

عرفت أنام .

أنام ..

والعالم العربي ..

سبقني ونام .

ياخيّى .. إنت وحداني . أنا صاحبك في جورناني . ساعة مايدبحوك .. أُصرُخ وأتلوِّي في أحزاني .

لکن عمری مامدیت بد

أحُوشُ باليدَ مَدَّة يدَ .

أنا مؤهبتي في لساني

ومش موهوب فی شیء تانی ..

ولا مقاتل ولا محارب

ولا محارب ولا مودّى

ولا جايب

حبيبك .. إنما شفوى وقَلْباوى.

لكن لا طبيب ولا مُداوى.

ولا باعرف أخوض الموت ..

ولا ناوی . أنا في كل ده خايب

انا فی کل دہ خایہ

ومش ضهرك

ومش سندك

ومش بلدی ومش بلدك

وباستغرب على جَلَدك .

فلوحتحس بالحاجه لِخَيِّك يوم ..

حتنادی ..

تلِاقيني في عزّ النوم

أنا .. والعالم العربي ..

لىلاتى ..

زی مابننام .

000



---- (^\) -----

أسوار بسلا أرض .. زى السف من غير يسسد شوار بسلا أرض .. غربه .. لايحسنعسا .. حسد شوار بالا أرض .. موت .. والموت مايسال حد بسانسل سرقسه من الأعسساء وم الأخسوه ولو اتقتلت .. اوعى تسال : مت بانى يسد ؟

موت الفلسطين حَق .. يا أُسه لاتسالى وإلا فين حَق دم صديقنا ناجى العلى ؟ لُهو ده اللى مقتول بإيد الليل لما خِل أنا اللى قاتله بإيدى .. وآدى نقط الدم يساع .. سب البسلا .. يسونس المبتلى .

ورغ كل الحصيار .. علّينيا كلتها مساقيد ورغ كل الحصيار .. علّينا ... ردّينا غربتها فياذ فيه هناك بيدره آنيا الل منبّتها السيم عره مساغياب تحت الهيوا والشس ومسع النهيدى والمطر .. نبّت في تُربتها

كُل القُوى .. كلها .. من خارجى أحداخلى حَمِت الله سارة بلادى بجوها الساحل ساب ألف ألف وطن .. ووطنى فى عينيه حلى كُل القوى أما إخواتى ولاد يعقوب عشيوا وثاق الوطن وعجّزوا كاهلى .

عسارى الإيسدين والقسدم .. واقف لأعسداء كم هموة النهسارده هنا .. بكره تلاقوه جالكم فهل حتخرج تسواجهسه زيّى .. أطفسالكم ؟ ولاسواق النضسال وقفيت ومساءهسا جف ؟ باحب حالى في يوم مسابساشوف أحوالكم.

وساوموا يبًا .. ياتجار السلام .. ساوموا أنسا الفتى الحرّ .. إللّ علّته .. قسومُ قدومى اللي يدوم ما انساديهم يطرشوا ويعُسوا وحنطلموا احنسا اللي فرطنسا في أراضينسا وحتطلموا انتسو اللي يدومها كنتوا بتقاوموا . ورحلِتَكُ في الخطى والصدة .. المبدأ رحلصة تقيلصة المُسوم أغلبُها يتصددي يوم مانت شأت السلاح أنا قلت أهه حابداً بسانت طليعة العرب يساخسَة يساستين الحلم بساين عليسه فعلا .. حيتحقَق.

فى السكسه مساتبوا الرَّفَساقسه اتنين وتبلاتسه ميسسه .. وألف فى ألف فى تبلاتسه واما زَحْتبوا المُنن .. عناملوكبوا .. بِغَتباتبه وضناق عليكبو البوطن .. وهبوّه ضناق بيكم ديجبوكبوا تحت النهسار .. بحقسد وشاتسه .

إيسه يعمل الحدزن لمسّا البسّاع يكسون قساصر؟
دمساكسو تصرخ ولا منجسد ولا منسساص
والل عمى فينسسا هسوه اللي بيتبسساصِ
م السدم للنسدم .. بعسد السسدم .. دم ودم
في السدم ـ لمساً على ـ غرق السرّعم نسساص.

إنقسة ــــــوا فرقتين والفرقتين مســـاكين بطلت احسارب في طمول مسام متحساربين نصى البين نصى البين وكل عمام مدبحه .. إيمه تعممل الأنساشيد ؟ وكل عمام مدبحه .. إيمه تعممل الأنساشيد ؟ وكل عمام نسزحفوا للى قتمل طها عمن ؟

قبالوا: السدما للوطن هوة الفيا للكرب وانت رحيل من رحيال وحرب تسولسد حرب إحسا انتصربا .. وساعستنسا علياك الرب تسترعسج كراس العروش .. وتعلم الشسوره ؟ أدى البرائيل وانت منفى هنساك في آخر الغرب .

سابوك تحب « السفيره عنزينزه » ينا « ينونس » تسباخسند على الرقسده تحت الخضره في تسونس تسونس تسونس جيلسنه قسوى .. وفي السونس تسؤيس في الغرب أغرب وخسند ويستاك فلسطينسنك في يجرنسا العربي .. تساني الحبوت بلنع ينونس .

آدى بلاد العرب .. قبوللى فناضل لسك مين ؟ وف يوم ما غنادرت بيروت قسوللى طردك مين ؟ على المسواني انتظرنسساك والسُّفُن .. مسسارين لوحسالكو .. وسالنا : لوحسالكو .. وسالنا : ليه احنا وانتو بنضحك يومها .. مش عنادفين .

إنت واخوك والخريط، والشهيد .. يسابلاش آدى فلسطين أهيسه .. إتفرج، وا ببسلاش الثوره في سفينه .. لوحه الدنيا ماتعيدهاش يسابركة الزيت ياداخله قلبي تسكن فيسه مات الوطن كل يوم .. واحنا اللي ماعرفناش .

وف تسونس الخضره .. تستواريخى تصفّى السسدم البين قفسل البساروده يسوم مساقتسح الفم وعسدوى لسبه ضحكسه صفرا لايمهسا م طسار المسافسه .. وطسال السدم في تسونس يساجرح مسالسك بتسوسع .. إنتي راح تتلم ؟

خلی سفسسساین الألم .. علی الجراح .. تربی أنا مش بالومك .. ألومك ؟ طب مالوم نفسی المم من كترتسسه قسسساسی .. ویینسی خیال مقاتسه بقیت .. باحرس عنب غیری امسا العسدو .. فساحسه مختنی ف حسی .

مات الزمن حولنا .. ومالت حيطان الحلم غاضت دمانا .. طفينا فوق مجور السّلم تقول بسدون عِلْم لكن في الحقيقسة بعلم عنى مُثنا .. سبساق في الموت بلا معنى كان دم اللّي مسات ... أنتجنا بيسه الفيلم .

وفج أة إنت تشق المسوت وتسأتين يسا أيسا الطسائر الحرّ الفلسطين أنسا تهت عنهسا وادى انت قت تهديني تنجسدني من إسمى وتحرَّرني من صسوتي وتشسدني للفنسا .. تهف وتسديني . العالم العربي خِرِس فاتكلم الكونجرس وأمر بقفل منظمة تحريرنا يافلسطين واللي موافق ينبسط واللي معارض .. يتفرس .

> یاکونجرس إنت مریح علشان صریح تمتز حتی بالمداء وتکره السّام المزیّف .. والفباء

وتملَّى تحرج أصدقاءك .. واللي حاطينك في خيرة الأصدقاء .

4...

باكونجرس

ياذلك المَبْني المهيب ياذلك الصوت المريب

ياذلك الشيء الرهيب عمرك ماكنت غريب ولاعجيب

لابتختفي خلف الكلام

ولاتحترس.

صِدْقك فصيح .. ويندرس . واما نطقت بالقرار

العالم العربي .. خِرس -

ا. . أ

قال: باحس بالأسف لقرار أخونا الكونجرس.

وادى أميركا .. والعرب .. وادى القرار .

ياإبني شيّع الحجر ..

ياإبني إحرق الإطار .

أول بداية الثوره يابن اللاجئين .

فات أربعين عِام يافق ..

من يوم تمانيه واربعين .

اللى اتقتل واللى اتأسر

أكتر كتير م اللي نجا . يسقط قانون البلطجه .

الثبس ساطعه في الدُّجي .

الدايره دارت ..

ثوره .. ويسكّنها من ؟

ياأيها القلب الحزين

إفتح بيبانك للهوا

الدم رمز العاشقين

والدم للأمه دوا ماما تراك ماما علمه الترا

ياما ترابك يافلسطين ارتوى

دم القلوب العطشانين . ياأمهاتنا في الخيام ماتزغرتوا

ياامهاتنا في الحيام ماتزغرتوا وقَعوا النهارده تمانيه في عرض الطريق

شِرِب التراب وبل ريق .. وقف المدو مذهول يدوّر في عجب

وه العدو مدهول يدور في عجب عن السبب

يسأل .. وأول مره اشوف وشّ العدو

ـ ساعة السؤال ـ فعلا برىء .

(1.)




من كتر ماصَّلَق سلاحه المفترس من كتر ماصلًى ووراه الكونجرس من كتر يافلسطين فى أرضك ماورث .

> يعنى بنفهم فى الغضب يعنى مامتناش ياعرب والصدق ممكن فى قلوبنا يتُغِرِس . حقيقتنا وإضحه ..

نتنظير .. ونتلمس .

يا أيها الطفل العنيد
يا أيها البطل الجديد
خد الرصاصه واتقتِل
خد السلاسل واتحبس .
ودوس برجلك ع الصهاينه
والحيانه
والعماله
والعمال



صدر للشاعر

3771. 0471. 0471	ديــوان شعر :	١ _ الأرض والعيال
YFF1. FYF1. 6AF1	ديـــوان شعر :	٢ ـ الزحمة
1978	ديــوان شعر :	٣ ـ عمّاليات
PFP1. 44P1. 6AP1	ديـــوان شعر :	٤ ـ جوابات حراجي القط
1940, 1947.	ديـــوان شعر :	٥ ـ القصول
1441. 6421	سيرة إنسان :	٦ ـ أحمد سماعين
1177	ديـــوان شعر :	٧ ـ أنا والناس
1970	ديـــوان شعر :	٨ ـ بعد التحية والسلام
٠٧٢، ٨٧٢	قصيدة طويلة :	٩ ـ وجوه علي الشُط
1941. 6421	ديـــوان شعر :	۱۰ ـ صمت الجرس
1461. 6461	ديـــوان شعر :	١١ ـ المشروع والممنوع
1441	قصيدة طويلة :	۱۲ ـ المد والجنر
1974	دراسة مترجمة :	١٣ ـ السيرة الهلالية
AAP1. 0PP1	قصيدة طويلة :	١٤ ـ الموت علي الاسفلت
1944	الأجزاء الثلاثة الأولى :	١٥ _ ١٦ _ ١٧ _ سيرة يني هلال
1991	الجزمان الرابع والخامس :	۱۹ ـ ۱۹ سیرة بنی هلال
1997_1991	قصيدة طويلة :	. ٢ ـ الاستعمار العربي
1990_1996	الجـــزء الأول :	۲۱ ـ المخسسارات

رقم الإيداع ٥٥ / ٩٧ الرقم الدولى 9 - 5338 - 01 - 977



ومازال نهر العطاء يتدفق، تتفجر منه ينابيع المرفة والحكمة من خلال إبداعات رواد النهضة الفكرية المصرية وتواصلهم جيلاً بعد جيل. ومازانا نتشيث بنور المرفة حقاً لكل إنسان ومازئت أحلم بكتاب لكل مواطن ومكتبة في كل بيت.

شبِّت التجرية المصرية «القراءة للجميع» عن الطوق ودخلت «مكتبة الأسرة، عامها الخامس يشم نورها ليضيء النفوس ويدرى الوجدان بكتاب في متناول الجميع ويشهد المالم للتجربة المصرية بالتألق والجدية وتمتمدها هيئة اليونسكو تجرية رائدة تحتذي في كل ألمالم الشالث، ومازلت أحلم بالمزيد من لآليء الإبداع الفكرى والأدبى والعلمي تترسع في وجدان أهلى وعشيرتي أبناء وطني مصر المحروسة، مصر الفن، مصر التاريخ، مصر العلم والفكر والحضارة.

سموزان مبارث

716 3m



مطابع الهيئة المصرية العامة للكتاب